

Arkiv: <arkivID><jplID> FE-612, FA-L65
JournalpostID:
Sakshandsamar:
Dato: 08.07.2022

Saksframlegg

Saksnr.	Utval	Møtedato
030/22	Eldreråd	05.09.2022
038/22	Råd for menneske med nedsett funksjonsevne	05.09.2022

Skilting av kommunale eigedomar - medlem i referansegruppe

Kommunedirektøren sitt framlegg til vedtak:

Eldrerådet vel følgjande som sitt medlem til referansegruppa for prosjektet skilting av Alver kommune sine eigedomar:

Råd for menneske med nedsett funksjonsevne vel følgjande som sitt medlem til referansegruppa for prosjektet skilting av Alver kommune sine eigedomar:

Råd for menneske med nedsett funksjonsevne 05.09.2022:

Handsaming:

Det vart sett fram forslag på Magne Bjørndal som RMNF sitt medlem i referansegruppa for prosjektet Skilting av Alver kommune sine eigedomar.

RMNF valde samrøystes Magne Bjørndal som medlem i referansegruppa.

RMNF- 038/22 Vedtak:

RMNF veljer Magne Bjørndal som sitt medlem i referansegruppa for prosjektet Skilting av Alver kommune sine eigedomar.

Eldreråd 05.09.2022:

Handsaming:

Det vart sett fram forslag på Einar Lygre som eldrerådet sitt medlem i referansegruppa for prosjektet Skilting av Alver kommune sine eigedomar.

Eldrerådet valde samrøystes Einar Lygre som medlem i referansegruppa.

ER- 030/22 Vedtak:

Eldrerådet veljer Einar Lygre som sitt medlem i referansegruppa for prosjektet Skilting av Alver kommune sine eigedomar.

Politisk handsaming

Saka skal avgjerast i eldrerådet og råd for menneske med nedsett funksjonsevne.

Bakgrunn

I samband med kommunesamanslåinga første januar 2020, vart det sett i gang arbeid for å få på plass felles profilering i form av arbeidsklede, logo på bilar og våpenskjold/namneskilt på eigedomar. Profilering av klede og bilar vart gjennomført. Arbeidet med skilting av eigedomar stoppa opp på grunn av at det ikkje var løyvd midlar til tiltaket.

Kommunestyret sette i juni 2022 av 5 millionar til skilting av eigedomane, fordelt med ein million i 2022 og 4 millionar i 2023. Eining for eigedomsforvaltning har ansvaret for å gjennomføra skiltinga.

Det er nedsett ei arbeidsgruppe beståande av representantar frå eining for eigedomsforvaltning, eining for drift og vedlikehald og avdeling for innbyggjarservice og kommunikasjon.

Kartlegging av behov og gjennomføring av anbudsprosess vil ta det meste som er att av 2022. Hovuddelen av sjølv skiltinga må gjennomførast i 2023.

I tråd med kommunen sin mal for gjennomføring av prosjekt, vert det og nytta ei referansegruppe. Referansegruppa har ei rådgevande funksjon.

Gruppa skal bestå av hovudtillitsvald, eit medlem valt av eldrerådet og eit medlem valt av råd for menneske med nedsett funksjonsevne. Dei to råda vel sjølv sine medlemmar til gruppa.

Saksopplysningar:

Mange kommunar har utarbeidd eit eige reglement for skilting. Alver kommune har ikkje eit slikt reglement. For å sikra samsvar med eit eventuelt framtidig skiltreglement, er det difor avgjerande at all skilting av eigedomar vert gjennomført i tråd med dei lovar, forskrifter og standardar som gjeldt. Aktuelle lover og føringar er mellom anna plan og bygningslova, lov om forbod mot diskriminering på grunn av nedsett funksjonsevne, lov om offentlege innkjøp og Norsk Standard NS 3041 som gir ei rettleiing i plassering og detaljar på skilt.

Skiltinga skal vidare nytta Alver kommune sin grafiske profil.

Det politiske vedtaket legg opp til at følgjande skilting skal gjennomførast som del av prosjektet;

Utvendig/utandørs;

- *Namnsetjing og kommunevåpen på bygningar.
- *Belysning av namneskilt på bygningar der ein finn det formålstenleg.
- *Informasjonstavle der det er vurdert formålstenleg ved bygningar, utandørs idrettsanlegg, friområde og tilsvarande.

Innvendig;

- *Informasjonstavle ved hovudinngang og i kvar etasje der det er vurdert formålstenleg.
- *Namnsetjing på avdelingar, lokale og møterom der det er vurdert formålstenleg.